

植物名實圖考

植物名實圖考卷之十七

固始吳其濬著

蒙自陸應穀校刊

石草類

翠雲草

瓶爾小草

石盆草

地盆草

石松

金絲矮它它

石蝴蝶

碎補

黑牛筋

蜈蚣草



石筋草

紫背鹿銜草

象鼻草

對葉草

樹頭花

金蘭

石交

豆豉綠

草血竭

郁松

鏡面草

石風丹

一把傘

地捲草

石龍尾

過山龍

玉芙蓉

獨牛

牛把撒

大風草

骨碎補

還陽草

石龍參

小扁豆

水草類

子午蓮

馬尿花

海菜

滇海水仙花

水毛花

水金鳳

水朝陽草

水朝陽花

薺米

牙齒草



翠雲草

翠雲草生山石間綠莖小葉青翠可愛羣芳譜錄之人多種於石供及陰濕地爲玩江西土醫謂之龍鬚滇南謂之劍柏皆云能舒筋絡

瓶甯小草

石草卷之十七




瓶爾小草

瓶爾小草生雲南山石間一莖一葉高二三寸葉似馬蹄有尖光綠無紋就莖作小穗色綠微黃貼葉如著



石盆草

石盆草生雲南山石間鋪地長葉禿歧拖蔓色紫葉如馬齒莧
微長頂有小缺緣帶白花



地盆草

地盆草生雲南山石間鋪地生葉粗澀如芥菜紫莖高四三寸
開花如牛耳草而色更紫

石松

五

石草卷之十七



石松

石松生雲南山石間矮草大根長葉攢簇似羅漢松葉脫剝
莖粗痕如錯

金絲矮宅宅

六

石草卷之十七



金絲矮宅宅

金絲矮宅宅生雲南山石間莖葉皆如蕨而高不逾尺橫根一莖一曰曰皆突起如節土醫以治筋骨痰火



石蝴蝶


七

石草卷之十七



石蝴蝶

石蝴蝶生雲南山石間小草高三四寸如初生車前草葉有圓齒細莖開五瓣茄色花瓣不分拆三大兩小綴以紫心白蕊可植石盆爲玩



碎補

碎補生雲南山石間橫根叢莖莖極勁細葉如前胡葉本輩石草似此種者甚多而葉細碎無逾於此

黑牛筋

七

石草卷之十七



黑牛筋


黑牛筋生雲南山石間粗莖鋪地逐節生枝小葉木强大體類
絡石開五瓣白花紅苞如珠



蜈蚣草

十

石草卷之十七



蜈蚣草

蜈蚣草生雲南山石間赭根糾互硬枝橫鋪密葉如鋸背有金星其性應與石韋相類

石筋草

上

石草卷之十七



石筋草

石筋草生滇南山石間叢生易繁紫綠圓莖葉似烏藥葉淡綠深紋勁脆有光葉間抽細紫莖開青白花碎如黍米微帶紫色滇本草性微溫味辛酸主治風寒濕痺筋骨疼痛痰火痿軟手足麻痺活筋舒絡方中用之良效

紫背鹿銜草

石草卷之十七



紫背鹿銜草

紫背鹿銜草生昆明山石間如初生水竹子葉細長莖紫微有
毛初生葉背亦紫得濕卽活人家屋瓦上多種之夏秋間稍端
葉際作扁苞如水竹子中開三圓瓣碧藍花絨心一簇長三四
分正如翦綉綃爲之上綴黃點耐久不斂鮮花苔繡長伴階除
秋雨蕭條稍堪拈笑

象鼻草



象鼻草

象鼻草生雲南一名象鼻蓮初生如舌厚潤有刺兩葉對生高可尺餘邊微內翕外葉冬瘁內葉卽生栽之盆玩喜陰畏曝蓋卽與仙人掌相類雲南府志可治丹毒產大理者夏發莖開小尖瓣黃花如穗性涼敷湯火傷良



對葉草

對葉草生雲南山石上根如麥門冬累綴成簇下有短鬚甚硬
根上生葉如指甲雙雙對生冬開小白花四瓣作穗長二三分
與瓜子金相類而花異性亦應同石斛



樹頭花

樹頭花雲南老屋木板上皆有之開三瓣紫花古今圖書集成
順寧府產樹頭花年久枯樹上所生狀似吉祥草而葉稍大開
花如穗一莖有花十餘朵香遜幽蘭狀頗相類

金蘭

石草卷之十七




金蘭

金蘭卽石斛之一種花如蘭而瓣肥短色金黃有光灼灼開足則扁闊口哆中露紅紋尤艷凡斛花皆就莖生柄此花從梢端發枝生枝一枝多至六七朵與他斛異滇南植之屋瓦上極繁且賣其花以插鬢滇有五色石斛此其一也



石交

石交生雲南山坡高尺餘褐莖如木交互相糾初附莖生葉漸出嫩枝三葉一簇面綠背紫大者如豆小者如胡麻參差疏密自然成致滇本草性溫味苦辣有小毒走筋絡治膈氣痛冷寒攻心胃氣疼腹脹發散瘡毒



豆瓣綠

豆瓣綠生雲南山石間小草高數寸莖葉綠脆每四葉攢生一層大如豆瓣厚澤類佛指甲梢端發小穗長數分亦脆土醫云性寒治跌打順寧有製為膏服之或有驗惟滇南凡草性滋養者皆曰鹿銜誕詞殊未可信姑存其方

六味鹿銜草膏

六味鹿銜草皆生順寧縣靈陰洞林岩板岩採取豆瓣鹿銜草紫背鹿銜草岩背鹿銜草石斛鹿銜草竹葉鹿銜草龜背鹿銜草六味加大茯苓用桑柴合煎去渣更加別藥熬一日夜水饒燂膏性平和男女老幼皆可服忌酸冷治痰火用芋根酒服年老虛弱頭暈眼花用福園大棗湯服年幼先天不足五癆七傷火酒調服患病日久難以起欠福園大棗茯苓姜湯服此膏長服益壽延年鬚髮轉黑

草血竭

十九

石草卷之十七



草血竭

草血竭一名回頭草生雲南山石間亂根細如團髮色黑橫生
長柄長葉微似石韋而柔面綠背淡柄微紫春發莖開花成穗
如小白蓼花渾本草味辛苦微瀉性溫寬中消食化痞治胃疼
寒濕浮腫癥瘕淤血男婦痞塊癥瘕積聚草血竭一錢焙末砂
糖熱酒服氣盛者加檳榔台烏寒濕浮腫
草血竭茴香根草果子共爲細末煮鱸魚吃三四次效


郁松

石草卷之十七



郁松

郁松生蒙自縣山中綠莖細葉蒙茸桂柔一叢數本經冬不萎故名爲松而枝葉俱扁土醫採治牙痛無論風火蟲蝕揉熱塞入患處卽止




鏡面草

鏡面草生雲南圃中根莖黑糙附莖附根發葉葉極似蓴光滑
厚脆故有鏡面之名雲南志錄之云可治丹毒此草性形大致
同虎耳草

石風丹

三

石草卷之十七



石風丹

石風丹生大理府似石韋有莖梢開青花作穗如狗尾草俚醫用之云性溫味苦無毒通行十二經絡養血舒肝益氣滋腎入筋祛風入骨除濕蓋亦草血竭一類



一把傘

一把傘生大理府石上似巵眉萬年松而葉圓俚醫用之云味
甘澁性溫入足少陰補腰腎壯元陽



地捲草

地捲草卽石上青苔濕氣凝結成片與仰天皮相似面青黑背
白蓋卽石耳之類滇本草味甘性溫無毒生石上或貼地上綠
色細葉自捲成蟲形一名蟲草一名抵地松採取治一切跌打
損傷筋骨如神不可生用生則破血夷人呼爲石青苔治鼻血
效

石龍尾


三

石草卷之十七



石龍尾

石龍尾生雲南山石上獨莖細葉四面攢生高四五寸頗似初生青蒿而無枝叉大致如石松等而莖肥葉濃性應相類



שני ענפים

לפי ספר חסידים

植物名實圖考

卷一百一十五

美

石上青


過山龍

過山龍一名骨碎補似猴薑而色紫有毛雲南極多味苦性溫
補腎治耳鳴及腎虛久瀉

玉芙蓉

三

石草卷之十七




本草綱目卷之二十一
玉芙蓉

玉芙蓉生大理府形似楓松樹脂黃白色如牙相粘得火可然
俚醫云味微甘無毒治腸痔瀉血

獨牛

天

石草卷之十七



獨牛

獨牛生雲南山石間初生一葉似秋海棠葉而光滑無鋸齒淡
綠厚脆疎紋數道面有紫暈如指印痕莖高三四寸從莖上發
苞開花花亦似海棠只二瓣黃心一簇盆石間植之有別趣且
耐久



牛把織

无


石草卷之十七



半把繖


一名雄過山

半把繖生雲南山石上橫根黑鬚如亂髮莖端生葉長二三寸
披垂如繖而闕其半背有點如金星



大風草

大風草石韋之類而葉長尺許薄脆橫直紋皆類蕉葉背有白
綠點蓋無風自搖者



石龍參

石龍參生昆明山石間一莖一葉如苕葉根白有黑橫紋宛似
小蠶復有長鬚十數條

小扁豆

三

石草卷之十七



小扁豆

小扁豆生雲南山石上長三四寸紅莖對葉開小紫花作穗結實如扁豆極小



海藻

三

水草卷之十七



海菜

海菜生雲南水中長莖長葉葉似車前葉而大皆藏水內抽莖作長苞十數花同一苞花開則出於水面三瓣色白瓣中凹視之如六大如杯多皺而薄黃蕊素萼照耀連漪花罷結尖角數角彎翹如龍爪故又名龍爪菜水瀕人摘其莖燂食之蒙自縣志莖頭開花無葉長丈餘細如釵股卷而束之以鬻於市曰海菜可瀹而食蓋未見植根水底漾葉波際也滇海虞衡志以爲其根卽蓴則並不識蓴考唐本草有蓴菜葉似澤瀉而小形差相類語卽未詳圖亦失真不併入

滇海水仙花

三

水草卷之十七




滇海水仙花

滇海水仙花生海濱鋪生長葉如車前草而瘦粗厚澀紋層層
攢密夏抽葶開粉紅花微似報春花團簇作毬映水可愛疑卽
龍舌草之類根甚茸細

水毛花

三

水草卷之十七



水毛花

水毛花生濱海濱三棱叢生如初生菱蒲高二三尺梢下開青黃花似燈心草微大一莖一花根如茅根

水金鳳

水草卷之十七



水金鳳

水金鳳生雲南水澤畔葉莖俱似鳳仙花葉色深綠滇南本草
味辛性寒洗筋骨疼痛疥癩瘡殆能去濕夏秋時葉梢生細
枝一枝數花亦似鳳仙而有紫黃數種尤耐久

水朝陽草

聖

水草卷之十七



水朝陽草

水朝陽草生雲南海邊獨莖柔綠葉如金鳳花葉而肥短細紋
密齒梢端開花黃瓣如千層菊大如小杯繁心孕實密葉承跗
掩映蓼浦欹側金盆澤畔縹緲不亞江南菰蘆中矣瀕本草味
甘辛無毒性熱似鼓鍾草包葉而生花子朝陽生故名採煮靈
砂成丹名純陽丹救一切病其效如神云

水朝陽花

聖

水草卷之十七



水朝陽花


水朝陽花生雲南海中獨莖高四五尺附莖對葉柔綠有毛梢
葉間開四瓣長筒紫花圓小嬌艷映日有光浪本草有水朝陽
草與此異此草花罷結角細長寸許老則迸裂白絮茸茸如婆
娑計線包而短應亦可數刀瘡



薺米

三

水草卷之十七



薺米

薺米生陂塘直隸謂之薺米固始謂之茶菱江西義寧謂之藻
心蔓生水中長柄圓葉似初生小葵而扁一邊生葉一邊結筍
子長四五分端有三叉俗亦呼三叉草筍內實如蓮鬚長二寸
許以芝麻拌燭香氣撲鼻可以飢盤亦用爲茶素潔馨頗宜脾
胃

牙齒草

水草卷之十七



牙齒草

牙齒草生雲南水中長根橫生紫莖一枝一葉葉如竹光滑如
荇開花作小黃穗漢本草味苦澀止赤白痢大腸下血婦人赤
崩帶下惡血